

B. N. C.  
FIRENZE  
1034  
38



1034 38



XVII

IVCH

1872

Ex. c. q. d. m. A. b. d. e. f. g. h. i. j. k. l. m. n. o. p. q. r. s. t. u. v. w. x. y. z.

PAVLI ÆMYLII  
LVCHINI BONONIEN.

ORATIO

In iustis funeribus CAMILLI PALAEOTTI,  
clarissimi Senatoris,

A D

ILLVSTRISSIMVM  
BONONIENSIS STATUS  
REFORMAT. SENATVM.



BONONIAE,  
Apud Hæredes Ioan. Rosij. MDCXCVI.  
*Superiorum permissu.*

PAVLI AEMYLI

LVCINI BONONIE.

QVATTO

Insignis Pontificis et Palatii  
classis Senatoris,

AD

ILLVSTRISSIMVM

BONONIENSIVM

RECTORVM SENATVM.



BONONIAE

Apud Iohannem Rossetum, in aedibus

MDCCCLXXX

ILLVSTRISSIMO SENATVI  
BONONIENSI

Vexillifero, & Reformatoribus Status  
Libertatis Bononiæ.

Paulus Acmylius Luchinus. S. & Fel.



RATIONEM, vestra au-  
toritatis iussibus exorsa,  
cedere hucusque moratus  
sum (Pat. Amplissimi)  
quod una cū multis mul-  
torum vatum celeberrimis  
poëmatibus edendam iudicaram. Cum  
verò privata mea docendi occupationes passa  
non sint, me illa, quæ foris instituebantur, ut  
instituta erant, percipere, nolui lugubratio-  
nem, qua vestri amplissimi ordinis prestan-  
tissimum hominem, si non illustrari, quod suis  
ipse meritis elucescat, at fideli memoria recen-  
seri, mandaueratis, ulterius obdormire. Ve-

VAT

A 2

stri



stri ergo semper venerādi nominis praesidio sul-  
tā dimitto: non quo aliquam ex re tantula esse  
arbitrār existimationem expectandam, sed ut  
vēstris videar mandatis, mihi, omnīq; bono,  
semper inuiolabilibus, obtemperasse, qua non  
exigui ponderis existimatio esse debet; Et tan-  
ti etiam hominis auctoritatis aliquam, fidus  
clions, Et familiaris, iudicis observantiam  
reddidisse. Cuius, si cōspectum oculis intue-  
ri praesentibus non licebit, at prudentia, Et in  
gerendis rebus consilio bene sano, in imagine  
sua, idest in Galleaccio filio, Senatore vēstro,  
(imponitur concedetur. Quibus longam  
Deus Opt. Max. incolumitatem  
largiatur.

Ex. adibus nostris priuatis, Millesimo  
Quingentesimo Nonagesimo  
Septimo.

PAV.

PAULI AEMYLII

L. V. CHINI

IN FVNERE PRAESTANTISS.

SENATORIS

CAMILLI PALÆOTTI

ORATIO



QUOD in aduersa re alia qualibet  
seruare profiterer (Præstantissimi  
Auditores) ut aliquam fortitudi-  
nis, & constantiæ laudem, vel a-  
liquod consolationis specimen præ-  
meferrem, id in præsentî acerbissi-

ma tanti viri iactura, & funere profiteri, immanita-  
tis potius, quàm dumanitatis, ac Bruti potius, quàm ho-  
minis, à Natura informati, officium esse indicarem.  
Ab innumeris enim meroris, & angustiarum, tenebris  
oppressus rudis animus meus, atq; in exquisitissimi doloris  
magnitudine parum constans, nil posse, aut excelsum,  
& altum polliceri, aut ordinatum, & rectum pronun-  
tiare, vnde aliqua vestris auribus futura satisfactio,  
vel dicenti meæ lingue aliqua emanatura sit dignitas,  
cognoscit. Causæ autem ab hoc pendent, quòd quicquid  
ego in hoc funesto munere peragendo, velut orationis sco-  
pium mihi eligerem prædicandum, vel eius, quem mor-

tuū, deploramus, generosas actiones & merita infinita,  
vel temporis, in quo eius nobis iacturam pati contigit,  
qualitatem, vel ipsam meam, dicentis scilicet, personā,  
respicere oporteret. Et hæc omnia tamen, dispari quā-  
vis ratione, talem penitus dolorem minitantur, ut, ten-  
tem quodlibet, præclusum mei muneris satisfactioni quē-  
que aditum perspiciam. Quod n. ad te attinet, præstan-  
tissime omnium ætatum splendor Camille, cur celestis  
terrestri; cur immortalis mortali; cur diuinus humana  
indiges exaltatione? qui animum potius quemlibet, vel  
optime comparatum, ad tuæ felicitatis, quod sic fortiter,  
occulueris, admirationem; quam ad tuæ mortis, quod  
Naturæ genitricis ordinibus extrema iam senectute mo-  
riendo satisficeris, dolorem, deberes inuitare? si tempus  
etiā, Aud. in quo ille ex humanis rebus sublatus est,  
animaquerto; sic aptis nunquam, & affluentibus oculi  
mei lachrymis abundabunt; quin omnem prorsus lamen-  
tationē, & planctum, omnem etiā desperationem, &  
querellam, illa, quam passa urbs nostra est, hoc viro  
per hoc tēporis moriente, iactura longo superet interuallo.  
Afflicta n. & propè desperata, multorum ciuium, ple-  
bisq; totius, conditione, annis iam tribus tam pestilenti  
annona grauitè pressis, hoc in capiendis consilijs bene  
prudens, in sustentandis periculis bene tutum, in appli-  
candis malo cuiuslibet populari medicinis bene præstās, co-  
lumen, inexpectata morte surreptum amisisse, quid om-

nino aliud existimandum erat; quam summa illa subsidia, quæ ille tam libenti animo suggererat; summamq; illam in Dei pauperes caritatem, quam ille viuens pietantum exercuerat; irreuerabilibus detrimentis amississe? si vero etiã ad me ipsum, hoc funeste laudationis munere functurum, cogitationem conuerto, nil profecto ex ulla obiecti mihi parte perspicio, à quo innumera doloris ac gemitus occasiones non ministrentur. Etenim si Natura comparatam est, ut viros illos, quos insigni aliquo merito, vel publice, vel priuatim florentes, etiam tarda, etiam mihi, ex humanis rebus morte surreptos intelligimus, dolore, ac lachrymis prosequamur, nulli ego sane, qui viri huius, vel domestici admirator, vel cultor diligens, vel studiosus obseruator, extiterit, acriori acerbitate, ac doloris magnitudine lugendum esse arbitror, quàm mihi. Nã, quamuis tota Ciuitas, & extra Ciuitatem docti omnes, Necenatem suum vita functum acerbissimo animi sensu, ac gemitibus prosequantur, flebunt illi tamen quod vno tantum nomine, ac fama duce notumq; & celebre cognouerunt, ego autem quod præsens vidi, quod imis sensibus gustavi, quod sepe etiam admiratus, & ipsis quasi manibus, & domestica vita consuetudine, attrectavi, in immensa doloris, ac gemitus afflictione deplorabo. Diuina vero dolorem sic ratio superet, ut dum iustus alieni oculi lachrymis madebunt, illa ego, vel quæ præsens ipsis meis oculis adspexi, vel paulo

lo supra memoriam meam auribus percepi, fidei ren-  
gata explanatione proponam. Stent nobis ergo duo illa prae-  
ceteris. *Actus* quae in funesto huius generis officio stare de-  
bent, & nos, dum tanti viri splendorem furebri oratio-  
ne prosequimur, quem ut Italia pene tota praesentibus o-  
culis intuita est, sic mundi pars maior fama notum aspi-  
cere desideravit, non consuetis tantum, sed necessarijs  
etiam vehementer, officijs indulgere, quae tanto a nobis  
videntur esse acrius suscipienda, & accuratius exequen-  
da, quanto magis notum est, a nullo unquam homine, a  
nulla unquam aetate, ex quo Pericles apud Gracos Pe-  
lagonesiaco bello mortuos milites laudatorio carmine ce-  
lebrauit, ac Valerius apud Romanos Bruti laudes ac-  
curatissima oratione complexus est, funebres laudatio-  
nes vel recusatas fuisse, vel interdictas. Et illas etiam  
humanae beatitudinis partes, in quibus studiosè ac dili-  
genter enixa est antiquitas bene docta, & si à Philoso-  
phis inter cetera nostrae conditionis bona numeretur, Pa-  
triae scilicet, ac sanguinis claritatem, opes, & amicitias,  
quae amplam tamen dicendi materiam dare solent, in  
huius viri dotibus explicandis omnino praetermittendas  
esse iudicare. Patria enim, quam tales animae post mor-  
tem possident, est aeterna, praesens verò, cum ab ipsis  
honestetur, ipsos honestare minime potest; Fortune, qui-  
bus fruuntur incorruptibiles; affines, diuini, ac familia-  
res deniq; caelestes, qui nostra haec tam prompta irrisione

ne contemnuunt, ut laudatores omnes, & omnes in hoc genere consumptas eloquentias, superflua potius putent ambitione perstringi, quam vel necessaria, vel utili, oratione sustineri. Quare melius multo illi nobilitati, quæ à virtutum possessione pendet, quàm rebus illis, quæ à sanguinis, & prædecessorū gentilium splendoribus emanant, insistendo, te, Camille, cuius nobile cadauer ante oculos nostros, tanti, tamq; acerbi doloris monumentū, quam luctuoso, tam in Natura necessario, spectaculo contemplamur, hoc honesto funebris laudationis officio, ut fieri per me poterit, vindicabo. Cuius prima vita est tam splendide à teneris vsq; vnguiculis, & tam prudenter instituta, ut pressè nimis, & humiliter, languescere illam indolem iudicaret, quæ non assidujs bonorum studiorum culta laboribus agitaretur. Et hoc eius iudicium tanti apud viros principes fuit semper æstimatum, ut Alexandro patre L. V. Doct. vita functo, non illi quidem in Senatoria dignitate succederet, neq; enim per ætatem Senator esse poterat, sed amplissimis à Pontificia sede, non uo tunc vsq; exemplo, diplomatibus insignitus, quicquid honoris ac muneris, quicquid immunitatis ac fructus, Senatoribus lege traditur, ephæbo sibi honestissimis esse datum privilegjs laudaretur: quousq; vigesimum ætatis annum vix attingens, qui Senatorie dignitati Bononiensis Senatus instituto præsumtus annus est, à Paulo III. sel. rec. Pontifice Maximo in Senatorum numerum est ele-



Etus. Quem Magistratum quantā animi equitate, ac  
iustitia, quantā prudentiā consilioq; persequatur. Et  
quidquid illa annis possit, multiplices ille dignitates,  
quibus in gerendo illo publica electioe functus est, ante  
stantur. Vix namq; Senatorium consequutus ampli-  
tudinē Romam ad Paulum I V. Pontificem creatum  
legationis munere destinatur. Ex quo monstrandi quan-  
tum in ingentibus negotijs prudentissimus iuuenis simili  
aucteritate valeret, occasionem arcupans, aditum sibi  
ad maiora quotidie suis meritis exhibenda quam latissi-  
mum patefecit. Pauleq; post suum à supradicta Legatione  
in patriam reditum ad Carolum Cardinalem Ca-  
rassan, & legitim proficiscentem una cum Illustrissimo  
Ioanne Pepulo, Senatore, ac Comite, concomitandum  
electus, tanta porro cum ipsius Cardinalis Voluptate in  
hoc munere se gessit, ut à Camilli consilijs in re nulla is  
sibi esse crederet recedendum; & quæ à Camillo compro-  
bata, cuncta recte, quæ verò etiam per eundem repro-  
bata, cuncta male, successura iudicaret. Neq; verò  
hanc incertis etatis primordijs demonstratam, vehemen-  
tis spiritus constantiam tantum cepit, sed retinuit, sed  
auxit, sed ad illam etiam, quæ hominibus esse potest, per-  
fectionem, adiunxit. Unde factum est, ut nulli fere ma-  
ximorum Pontificum, quousq; vixit, & optatus, &  
notus, & acceptus valde, quod magis est, familiaris  
non extiterit, resq; magnas & negotia cum ijs familia-

rissi-

rissime non habuerit. Itaq; cum Pio V. (cuius recorda-  
 tionis Pōtifice, Bone Deus?) patrie partes sapissime ges-  
 sit; sed anno potissimum millesimo Sexagesimo septuage-  
 simo Legatus Romae residens ellectus, ea omnia, quae ad  
 tanta Ciuitatis commoda pertinebant, magna cum eius  
 sancti hominis satisfactione, tractauit. Orationem ad  
 Gregorium XIII. conciuem, ac veterem suum domesti-  
 cum, habiturus, in tantam doctrinae famam creuit, ut  
 maior auditorium, quam alio quolibet oratore unquam  
 dicente, confluisse credita sit multitudo: quam ante tri-  
 ginta summorum Cardinalium conspectum sic orauit,  
 ut ex ijs nullus fuisse post paulo intelligeretur, quin *omnibus*  
 eloquentiam admiratus, opes, auctoritatem, amicitias,  
 praestanti eius excellentiae non offerret; Ad eundem quoq;  
 non multo post, cum in patriam remeasset, orta inter Bo-  
 nonienses, & Ferrarienses de finibus contentione, Lega-  
 tionem publicae electione suscipere coactus, tanta cum  
 estimatione, ac prudentia rem tractauit, ut non mi-  
 noris ad ea, quae volebat, à Pontifice referenda aucto-  
 ritatis, quam doctrinae, atq; animi ad eadem proferen-  
 da exuberauerat, abundaret. Gregorio ex humanis  
 rebus ad caelestes assumpto successit Xystus: Qua non tui  
 notitia, vir excelsae? Illustrissimo enim S. Marcelli  
 Cardinali Romam reuertenti comes datus nouo illi Xy-  
 sto praestantissimam in sexdecim Cardinalium conuen-  
 tu habuit orationem: tanta sane dicendi libertate, ac



copia, ut relatum concordi audientium voce fuerit, nul-  
 li unquam tam attentas Pontificem aures oratori arre-  
 xisse, quam tunc temporis Camillo: hancq; sibi aded ar-  
 risisse orationem testatus est, ut, quo insigne aliquid in-  
 signis hominis doctrina tribueretur, Fauentiae, inter prae-  
 cipuas Flaminiæ urbes, Gubernatorem cum imperio li-  
 bero pronuntiaret. Vtinam vero à Xysto ad Clemen-  
 tem, nullo interposito Pontificatu, descendere mihi lice-  
 ret: Neq; enim meum animum, sed, quid meū animum  
 dico: imò verò totius terræ ambitum, funebri illa in-  
 pestiua recordatio, quæ Castaneam illam tam uberem,  
 tam iucundam, tam Christianæ Reipublicæ, si matu-  
 ruiisset, accommodatam, monstratam quidem, sed non  
 concessam, exporrectam, at non datam, adnotam, at  
 non gustatam; vniuersali forsitan totius Ecclesiæ detrimen-  
 to caduco flore surripuit, agitaret. Vix fuit ad summum  
 summi Pontificatus fastigium exaltatus, cum in viden-  
 di, fruendi, & amplectendi Camilli cogitationem in-  
 gressus, domesticis eum litteris aacerit: Pech dolor: ac-  
 cersitus profectioem parat; eiq; patria membris, me co-  
 mite, presente, & audiente; & ipsis etiam oculis aspi-  
 ciente (quod sine lachrymis pronuntiare non possum) vix  
 ingresso, per tabellarios est relatum, naturali corrupta dul-  
 cedine, Castaneam ad Cælestia regna reuocatum. Quid  
 de Clemente Octauo, quem sanctissimum Pontificem, &  
 vigilantissimum Pastorem, Deus Opt. Max. incolu-

mem diutissime seruet, enarrabo? Nec is sane minus alijs suis praedecessoribus Pontificibus huius viri virtutibus tributurus fuisse, cum id Natura permisisset, iudicandus est. Cum enim Commissarios ad nostrae statum Reipublicae, vel corrigendum, vel reformandum, eligere consultissimus Ecclesiasticae familiae pater sibi proposuisset, alium neminem in tali cura, in negotio tanto, in tractatione tam graui, Camillo esse preferendum iudicauit; sed duobus additis huic seniori sapientiae consiliorumq; consortibus, Rodolpho scilicet Bonsilio, & Ioane Galleaccio Bargellino, viris omni honoris, & reuerentiae titulo nominandis, hunc virum; ut in aetate, sic in Magistratu Antianum, tanto muneri sapientissime destinauit: quod ei s. notum erat, Iustum esse homines propter Iustitiam diligere, non propter homines Iustitiam posthabere. In cuius virtutis habitu hic praeter hominum conditionem exercitatus tantum fuit, tantumq; notus, ut, quasi alter Caesar quinquies Consul, & hic quinquies Iustitiae Vexillifer, magna cum patria, tum delectatione, tum fructu sit creatus. Ne ceteras eius virtutes, omnino concelebrandas, attingam; quas tantas, ni temporis ad dicendum constituti angustiae premerent, in eo vixisse demonstrarem, ut nulla sua sit actio animaduersa, quae non perfectum aliquid, vel, ni diuinum, at superhumanum, penitus argumentaretur. Ex quibus tamen hac silentio non inuoluenda; constantia s. ac diui-

nioris animi fortitudo; in hac n. præ ceteris in tantum va-  
luit, hac tantum oblectatus est, ut concordia omnium vo-  
ce, atq; aliquo etiam veritatis indicio, Illustrissimi Ga-  
brielis fratris sui ad summum Pontificatum assumptione  
prænuntiata, & pro certo etiam confirmata, eoq; ma-  
ximè tempore, cum ille in futuri Pontificis opinionem ver-  
sabat, non amplius sit commotus, quam si de alio quo-  
libet, nec familiari, nec noto, illa opinio, illudq; nuntiū,  
peruenisset. Pietatem verò, & in pauperes caritatem,  
relieta multa paterni affectus argumenta manifestant:  
præmentibus enim animæ non tolerabilis angustijs, re-  
ceptacula ad puerulos, ne perirent suo sumptu sustentan-  
dos, & erudiendos, curauit instituenda. Puellas vir-  
gines, quot, ne cogente fame corrumpentur, necessarijs  
comparatis, impediuit? Particeps ego harum actionum,  
Aud. Vos eius consiliorum participes reddere possum. In  
temperantia verò, & moderatione, quæ eius animum  
cognouit, quis vitam ponderauit, quæ actiones intuitus  
est, & illum Tiberonibus, Curijs, Amylijs, & ceteris  
illustrioribus verè temperati sæculi splendoribus, non cõ-  
parauit? Et in tot honorum detrimentis erit aliquis, vel  
patriæ studiosus, vel ciuis, vel homo, iure merito no-  
minandus, qui non ploret, qui dolori terminum in deplora-  
tione præfigat? Imò verò fera potius, & rusticus, &  
stipes, non dicitur, qui tanta hæc possidentis animi beati-  
tudine non latetur? Eoq; magis, quod hæc repetens præfa-

gus animus est, illum, quem mortuum deploramus, non  
 mortuum, sed ad meliorem eternitatis vitam iam ren-  
 tum, quod ita mortuus est, quæ dicimus, audientem, quæ  
 que facimus aspicientem, diuinas illas celestis patriæ  
 beatitudines, quas bonæ sibi vita comparauerat, ascen-  
 disse. Sui enim mores tales extitere, tales semper cogita-  
 tiones, & opera, ut cum non quæ familia natus, ex qua  
 tot foris equites, & duces, tot domi Senatores, & Do-  
 ctiores, in publicam utilitatē patriæ, suiq; sanguinis exal-  
 tationem, non prodissent, ut Syluetus, Vincentius, Bo-  
 nauentura, Nicolaus, & tot alij, in publica ciuitatis  
 Archiua semper viui, semperq; florentes, & excelsi, fidē  
 faciunt; cum ea non præditus eloquentia, ut quemadmo-  
 dum Cato, Romanus Demosthenes, sic & Camillus, Bo-  
 noniensis Cicero, accommodato nomine diceretur; cum  
 eo sanguine non prognatus, qui tot Pontificum, Regum,  
 & Principum liberalitate gauisus est, ut præclara illa  
 præ ceteris Etrici Britanniæ fidelissimi Regis Diploma-  
 ta, quibus Palæotam gentem insignibus Regijs liberalis-  
 sime decorat, manifestant; cum non ea religione ita cla-  
 rus, ut Eremum sua tantum pietatis causa, non voto  
 ullo, aut ullā necessitate coactus, inuississet; cum ea fa-  
 ma, quæ litteras, literatosq; semper fouit, & amplexa-  
 tus semper est, non tantopere notus exstitisset; uel suis ipse  
 dotibus contectus, vel præstantissimo illo fratre, qui nunc  
 ut Solis inter sidera splendor purius, tum virtutum ria-  
 riarum


riarum excellentia, tum sanctitatis, & pietatis inter  
primos S. Matris Eccl. Cardines valde super hominū  
conditionem præstantia celebrando, letus, & in huma-  
nis honestissime degere, & ex iisdem libentissime, ut  
plane fecit, decedere, debuisset. O ergo innumeris felicitatū  
cumulis fortunatissime Camille: hoc verò uno hu-  
manam longè superans fortunā, quod viuenti tibi eum  
honorum pariter: & onerū successorē datum est intueri,  
ut in eo ipso imaginem tuam, in eius actionibus tuam  
mentem, in sapientia sua tuam gloriam, & in sua de-  
niq; posteritate prolem tue gentis cernerēs eternandam.  
De Galleacio, dilecto tibi filio loquor; cuius indoles tā-  
ta extitisse cognita semper est, ingenium ita promptum,  
cogitationes ita puræ, animus deniq; sic generosus, sic al-  
ta cogitans, ut, si vera illa sunt, quæ doctus in Oreste ce-  
cinit Euripides, Beatum esse illum, qui beatus est in libe-  
ris, tibi omnia præsentis beatitudinis obsequia videan-  
tur adscribenda. Sed meliori hæc tempore, forsāq; op-  
portunioribus commodis repetentur. Ego enim tot me-  
roris angustiis undiq; circumcludor, ut in hisce mæstis  
tristitia funebris officiis, viris tantis laudatorem poten-  
tem, tantis meritis idoneam laudationem, & tantis de-  
niq; virtutibus præstantem eloquentiam deficere non era-  
bescam confiteri. Quæ, ne dicentis consilio, ut imbecilla  
litati merito tribuentur, sint ascripta, tu Camille, quem  
hic tam frequens luminum fulgor, hic templi huius tam  
sune-

- funebris apparatus, hæc circumstantiam auditorum co-  
 rona præstantissima, venerantur, ut meam in terris hu-  
 militatem fouere præclarissimus homo nequaquam dedi-  
 gnatus es, sic nunc, Calicola meritisissimus, & me purges,  
 & patriam, mecum morte tua in tot tenebris con-  
 - stitutam, fauenti oculo respiciens, ad pre-  
 iam diuinitatis numine apud illum  
 - DEUM fouere ne recuses, qui  
 Vbiq; omnipo-

tens  
 viuit, & regnat in secula seculorum.  
 Amen.



# EIVSDEM ODE.



NTE qui lati, cecinere vates,  
Nobilem claris titulis CA-  
MILLVM,  
Et PALAEOTTAE sobo-  
lis nitorem

Vindice plectro.

Nunc sonant mæsto variata cantu  
Carmina, & leges supero notatas  
Pollice, & Parcas stygijs parantes  
Stamina fufis.

Ista conuersi facies honoris,  
Quæstibus tantis grauiora promens,  
Musa dic, quid nam referat, madenti  
Concita fletu?

Occidit nostri decus omne sacri,  
Occidit doctæ columen Camæna,  
Attica solum valuit quod alta  
Dicere lingua.

Ille, qui vita Curium modesta,  
Moribus Magnum retulit Catonem,

Doctus



Deus & clari Ciceronis artes

Haussit honestas.

Cui boni legem dederat pudoris

Mens bona, ut natus coleret, putans nil

Proprijs ciuem, Patria teneri

Remque caputque.

Onitens nostri speculum Senatus,

O senex, cunctis venerande factis.

Tu manu mitti, rapere, & atra

Alarum iacebis?

Quin, moram falsa, spaciumque, vita

Luxu contemnens, meliora Celi

Claustra scandisti, scelerata linguens

Gaudia Mundi.


Ergo, cur plorent Cithara dolentes?

Cur canant maesti miseranda vates?

Si data est merces meritis Camilli

Digna supernis?

E I M I S





# EIVSDEM

## CARMEN.

**D**ENSA igitur nostri decus indelebile  
facili Funeris, & gelida nubila mortis  
habent?

Fôs modo qui virtutis eras, splendorq; Senatus  
Felsinet, in paruo clauderis orbe cinis?  
O fragiles hominû curas; quid vita valebit  
Clara diu; hâc miseris si rapit hora fugax?  
Nil fuit excelsum, cursu quod ametur in isto  
Præcipua quo non praditus arte fores.  
Lege tamen mortis cõmuni oppressa, Camille,  
Pectus in egregium qua viguere iacent.  
Parcere Mors nescit: Quid. n. bene docta ve-  
Noia si tollas, in sua facta tenet?

FINIS.

